

Mas cu 100 miyon innecesario!

ORANJESTAD (AAN): Mirando cu gobierno a bay asina leu di hasta trata di busca placa di reserva di Banco Central ta na su luga pa hala atencion un biaha mas ariba algo cu a pasa algun tempo pasa cu directamente tin di haci cu nos finanzas. Esaki ta e hecho cu gobierno a dicidi di paga un suma halto sin cu esaki tabata necesario.

E pago cu a worde cuestiona ta esun di mas cu 100 miyon Florin na e banco di gobierno di Italia cu yama Sace. E pregunta nunca a worde contesta pakico gobierno a core bay paga un suma asina halto. Esaki mientras cu a worde bisa door di e gobierno anterior cu e pago aki no ta necesario y cu nunca nan lo no a pagá e suma aki. Esaki a worde splica tambe. Na prome luga gobierno Hulandes a bay di acuerdo cu e reservanan cu tabata worde crea pa paga eventual garantianan no tabata necesario mas pasobra tur e casonan cu tabata andando e temponan ey a worde perdi door di e Banconan pasobra a worde constata cu tabatin irregularidadnan cu a tuma luga.

Mirando esaki Hulanda a bay di acuerdo cu lo no mester reserva placanan mas pa eventual pagonan di e garantianan. E sumanan cu ya caba tabata reserva por a worde usa door di gobierno di Aruba. E caso di Beta a

worde splica na gobierno di Hulanda ta un caso cu tabata pendiente ainda pero cu tabata trata di e mesun hendenan cu tabata comprometi den e otro casonan na Aruba y tambe den un cantidad di casonan den otro pais. Tabata bisto cu si acaso mes cu Aruba a perde caso di Beta cu lo splica gobierno di Italia cu ta trata aki di e mesun practicanan cu e otronan y cu ta e mesun banco di gobierno di Italia.

Gobierno di Hulanda y di Aruba tabata convenci cu gobierno di Italia lo no a para ariba pa e suma worde paga. Pesey te awe ta incomprendible cu gobierno di Aruba a core bay paga e suma grandi aki na Italia. Si tabata asina cu Aruba tabatin placa di mas ainda por imagina cu e pago aki a tuma luga. Pero ta e mesun gobierno aki a bisa desde inicio di su gobernacion cu no tabatin placa suficiente ni

pa paga pa e asuntonan andando.

Pesey ora cu gobierno ta tuma medidanan pisa y kier bay over na saca placa for di Banco Central ta necesario pa wak tur aspecto cu tin mara na esaki. Nunca a tende un splicacion drechi di loke a pasa aki. Loke mas o menos ta conoci ta cu un comision a worde encarga cu e problema aki. No ta conoci si nan a consulta cu gobierno di Hulanda. Cu e gobierno anterior di Aruba en todo caso nan no a consulta mientras nan tabata sa cu e gobierno anterior semper a bisa cu nan lo no paga e suma di garantia aki nunca. Gobierno tin e obligacion di duna un splicacion detayadamente con e pago a tuma luga. Ken tabata e miembronan di e comision y si nan a worde paga y si esey ta asina cuanto nan a worde paga y pakico. Esaki ta solamente un ehemplo di e fayonan cu tabatin den gobernacion cu a

pone cu nan ta tumando medidanan y cu nan kier pone man ariba placa di Banco Central. Ta pesey ta obligacion di gobierno pa duna cuenta prome cu por bay over na tuma medida.

E caso di Beta solamente ta un ehemplo den un cantidad di otro cu mester di atencion

awo cu gobierno no kier duna contesta ariba nada. Atencion ariba esaki ta bira mas necesario ainda ora mira cu gobierno no ta teniendo cuenta cu nada di loke te worde sinti den nos comunidad y cu nan tin plan pa bin cu un serie di medida mas.

Ola Tropical lo pasa den area aki

ORANJESTAD (AAN): Awemainta pa merdia, un Ola Tropical lo pasa den e area aki. E lo causa un aumento temporal di nubia riba e region di Aruba. Pues por spera awa ta cay awe.

Localmente, algun di e nubianan aki lo genera awacero, y specialmente mainta, algun di nan por ta fuerte mientras cu lamper y strena por worde nota algun caminda.

Pronostico di tempo pa awe ta muestra cu cielo ta parcialmente nubla, y mainta pa merdia por cay algun awacero.

Biento ta modera for di direccion generalmente Pariba enre 13 y 30 km/h. Principalmente deñ dia, of durante posible awacero, biento ta de vez en cuando basta fuerte te posiblemente fuerte den rafaga, entre 31 y 50 km/h.

Haltura di olanan riba laman grandi ta por lo general entre 0,5 y 1½ meter.

MAS FUTURO BRIYANTE!!

DADA, MI TA
COMPRONDE CU
LUZ Y CORIENTE
TA HALTISIMO Y
CU NOS MESTER
BAHA GASTO, PERO
MI TA WAAK TUR
COS BERDE CU
E NIGHT VISION
AKI !!!

MI VIU MI SA, Y
RIBA DJE NOS
TA MEP!! PERO
NOS NO MAG
ADMITI CU
MEP A FAYA!
BO KIER MI
PERDE MI
TRABAO DEN
GOBIERNO?!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



SHREDDER

AFL. 25,=